

Yr Arglwydd Dafydd Elis-Thomas AS

Dirprwy Weinidog Diwylliant, Chwaraeon a Thwristiaeth

9 Tachwedd 2020

Annwyl Dafydd,

Yn ei gyfarfod diweddaraf ar 5 Tachwedd, cytunodd y Pwyllgor Diwylliant, y Gymraeg a Chyfathrebu y byddem yn ysgrifennu atoch i gael mwy o wybodaeth am nifer o bwyntiau a nodir isod.

Cefnogaeth i'r sector cerddoriaeth fyw gan Gymru Greadigol

Rydym wedi croesawu'r cyllid sylweddol gan Gymru Greadigol i leoliadau llawr gwlad o ganlyniad i bandemig COVID-19. Yn gyffredinol, mae hyn wedi bod yn hanfodol i oroesiad y sector yn ystod y cyfnod heriol hwn. Fodd bynnag, clywsom y gallai oedi o ran dosbarthu'r dyraniadau cyllid – yn enwedig pan fydd gan leoliadau cerddoriaeth a lletygarwch gostau i'w talu nawr – arwain at fusnesau'n mynd i'r wal yn y cyfamser.

Byddem yn ddiolchgar pe gallech roi'r wybodaeth ddiweddaraf i ni yn eich ymateb ynglŷn â'r amserlenni presennol ar gyfer rhoi cyllid i leoliadau, a nodi a oes modd cyflymu'r broses hon. Gyda hyn mewn golwg, gofynnwn hefyd a oes unrhyw ystyriaeth wedi'i rhoi i rannu adnoddau staff tîm yr Economi (sydd â'r sgiliau a'r profiad o ran dosbarthu cyllid grant) â Chymru Greadigol am gyfnod penodol er mwyn ymateb i'r pwysau presennol ar gyllid Cymru Greadigol?

Cyllideb Atodol 2020-21

Wrth ystyried Cyllideb Atodol 2020-21 byddem yn croesawu ymateb i'r canlynol:

- Mae Chwaraeon Cymru wedi cael £12.5 miliwn ychwanegol, ond roedd y Gronfa Adfer Chwaraeon a Hamdden (roeddem ar ddeall mai arian newydd oedd hwn) yn werth £14 miliwn. A fyddai modd rhoi eglurhad o'r anghysondeb hwn?
- Nodwn fod cyllideb gyfalaf Cadw wedi'i gostwng £3.7 miliwn – a allwch egluro'r rhesymau dros y gostyngiad hwn?



Senedd Cymru

Bae Caerdydd, Caerdydd, CF99 1SN

✉ SeneddDGCh@senedd.cymru

☎ 0300 200 6565

Welsh Parliament

Cardiff Bay, Cardiff, CF99 1SN

✉ SeneddCWLC@senedd.wales

☎ 0300 200 6565

- Mae'r dyraniadau newydd ar gyfer diwylliant a nodir yn y Gyllideb Atodol yn cyfateb i fwy na'r Gronfa Adferiad Diwylliannol sy'n werth £53 miliwn – a fyddai'n bosibl egluro'r rheswm am hyn?

Er mwyn llywio gwaith y Pwyllgor byddwn yn ddiolchgar pe gallech ymateb i'r cwestiynau hyn erbyn 27 Tachwedd.

Yn gywir,



Helen Mary Jones

Cadeirydd y Pwyllgor Diwylliant, y Gymraeg a Chyfathrebu





Ein cyf/Our ref DET/412/20

Helen Mary Jones AS
Cadeirydd
Pwyllgor Diwylliant, y Gymraeg a Chyfathrebu

26 Tachwedd 2020

Annwyl Helen,

Diolch am eich llythyr dyddiedig 9 Tachwedd yn dilyn cyfarfod y Pwyllgor ar 5 Tachwedd, rydych yn holi am ragor o wybodaeth am gymorth i gerddoriaeth fyw gan Cymru Greadigol a'r Chyllideb Atodol 2020-21. Rwyf am ymateb i'ch pwyntiau yn y drefn yr ydych wedi'u codi.

Cefnogaeth i'r sector gerddoriaeth fyw gan Cymru Greadigol

Gall oedi cyn dosbarthu dyraniadau cyllid cymorth Covid-19 – yn enwedig pan fydd gan leoliadau cerddoriaeth a lletygarwch gostau i'w talu nawr – arwain at fusnesau'n mynd i'r wal yn y cyfamser. Gwybodaeth ar yr amserlen ddiweddaraf ar gyfer cael cyllid i leoliadau ac a oes lle i hwyluso'r broses hon.

Ar wahân i oedi byr pan fu'n rhaid i swyddogion adlewyrchu cyhoeddiad y Canghellor ar ymestyn y Cynllun Cadw Swyddi o fewn pob cais - yn unol ag ymrwymiad Llywodraeth Cymru i osgoi cyllid dwbl – roeddem wedi dechrau gyrru llythyrau cynnig i leoliadau cerddoriaeth yn ystod w/c 9 Tachwedd a gobeithiwn fod wedi cefnogi'r holl fusnesau â oedd yn flaenoriaeth o fewn y pythefnos nesaf.

Unrhyw ystyriaeth wedi ei roi i rannu adnoddau staff gan dîm yr Economi (sydd â'r sgiliau a'r profiad o ddsbarthu cyllid grant) gyda Cymru Greadigol ar sail amser cyfyngedig i fodloni'r gofynion presennol sy'n cael eu rhoi ar gyllid Cymru Greadigol?

Roedd swyddogion o dîm Cymru Greadigol yn rhan o dîm dylunio a gweithredu'r Gronfa Cadernid Economaidd (ERF) a bu'n gweithio gyda chydweithwyr yn Busnes Cymru i gynllunio'r broses ar gyfer y Cronfa Adferiad Diwylliannol Ddiwylliannol (CRF) yn dilyn fframwaith debyg. Gweithiodd nifer o swyddogion yn flaenorol ar draws y pedwar maes allweddol o fewn CRF (creadigol, digwyddiadau, diwylliant a threftadaeth) ar Gam 1 a 2 ERF ac felly roedd ganddynt brofiad o'r systemau a oedd ar waith.

Oherwydd y galw mawr am y gefnogaeth gan CRF bu'n rhaid i swyddogion creu system blaenoriaethu i'r gronfa (rhywbeth nad oedd wedi'i gynnwys yn ERF) i sicrhau bod y cyllid yn cyrraedd y busnesau hynny a ystyriwyd fel y pwysicaf o ran diogelu'r seilwaith creadigol a diwylliannol i'r flwyddyn nesaf, yn unol â nodau cyffredinol y gronfa.

Cyllideb Atodol 2020-21

Mae gan Chwaraeon Cymru £12.5 miliwn ychwanegol wedi'i ddyrannu iddo, ond roedd y Gronfa Adfer Chwaraeon a Hamdden (roeddem yn deall fod hwn arian newydd) am £14 miliwn. A fyddai'n bosibl egluro'r anghysondeb hwn?

Mae'r Gronfa Adfer Chwaraeon a Hamdden gwerth £14 miliwn yn arian newydd. Dyrannwyd swm o £12.5 miliwn yn uniongyrchol i Chwaraeon Cymru ac mae £1.5 miliwn yn cael ei fuddsoddi a'i neilltuo ar gyfer digwyddiadau chwaraeon drwy'r Gronfa Adfer Diwylliannol. Crynhoir y cyflwyniad yn y Gyllideb Atodol fel a ganlyn:

Maes Cyflawni	BEL	£m
Chwaraeon Cymru	5900	12.5
Cymorth ar gyfer Diwylliant Lleol a Chwaraeon	6170	1.5
Total		14.0

Mae gan CRF bedwar prif faes sy'n cwmpasu Treftadaeth, Creadigol, Diwylliant a Digwyddiadau. Mae cymorth ar gyfer digwyddiadau chwaraeon yn gymwys i gael cefnogaeth gan CRF, mae'r arian ychwanegol hwn yn ein galluogi i ddarparu mwy o gymorth ar gyfer digwyddiadau sy'n ateb y galw cynyddol.

Nodwn fod cyllideb gyfalaf Cadw wedi gostwng £3.7 miliwn – a allwch egluro'r rhesymau dros y gostyngiad hwn?

Roedd rhaglen gyfalaf Cadw ar gyfer eleni yn uchelgeisiol iawn, gyda phrosiectau mawr i'w cyflawni ym Porth y Brenin, Caernarfon ac yn Castell Caerffili, yn ogystal â gwaith mewn nifer o safleoedd eraill. Daeth yn amlwg yn gynnar yn y flwyddyn na fyddem yn gallu defnyddio'r holl gyllideb gyfalaf o £8.7m yn y flwyddyn ariannol hon, yn enwedig gyda effaith y pandemig. Felly dychwelwyd cyllid o £3.7m i'r canol yn gynnar yn y flwyddyn, fydd yr arian yma ar gael flwyddyn nesaf er mwyn bwrw mlaen a'r gwaith a gweithio tuag ar ei gwblhau

Mae'r dyraniadau newydd ar gyfer diwylliant a ddisgrifir yn y Gyllideb Atodol yn cyfateb i fwy na'r Gronfa Adfer Ddiwylliannol gwerth £53 miliwn – a fyddai'n bosibl egluro'r rheswm am hyn?

Ar y cyfan mae'r gyllideb atodol yn cynnwys cyfanswm cyllid ychwanegol o £67m (adnoddau £64m a £3m cyfalaf) ar gyfer y Gronfa Adfer Diwylliannol £53m a'r Gronfa Adfer Chwaraeon a Hamdden £14m. Fel yr eglurwyd, bydd £1.5m yn cefnogi digwyddiadau chwaraeon ac fe'i datgelir yn y BEL Diwylliant a Chwaraeon Lleol.

Yn gywir,



Yr Arglwydd Elis-Thomas AS

Y Dirprwy Weinidog Diwylliant, Chwaraeon a Thwristiaeth